

Noé iha fiar ba Maromak

GÊNESIS (KEJADIAN) 5:28–8:22

NOÉ MAK MANE NE'EBÉ LARAN-LOOS, NIA HELA IHA EMA AAT SIRA-NIA LEET. NE'E SUSAR BA NIA TANBA EMA AAT SIRA-NE'E LA HATUDU RESPEITU BA JEOVÁ.



NOÉ, HA'U HATENE KATAK MORIS MAK **SUSAR**. ULUK, ADÃO HATETE BA HA'U KATAK BUAT AAT SIRA-NE'E IHA ONA **TINAN** ATUS BA ATUS LIUBÁ.

MAIBÉ JEOVÁ DEHAN KATAK Ó SEI LORI KMAAN BA AMI.

MAIBÉ OINSÁ, APÁ? SAIDA MAK **HA'U** BELE HALO ATU TROKA SITUASAUN NE'E?

JEOVÁ DESIDE ONA ATU HALO **RAI-NABEEN** HODI HALAKON EMA AAT SIRA. NIA HATETE BA NOÉ OINSÁ NIA NO NINIA FAMÍLIA BELE HETAN **SALVASAUN**.

HALO RÓ IDA. Ó NO Ó-NIA FAMÍLIA TENKE TAMA BA RÓ, NO Ó TENKE LORI **MANU** OIOIN NO **ANIMÁL** SIRA HAMUTUK HO Ó, ATU SIRA BELE **MORIS**.

HA'U SEI HALO TUIR BUAT **HOTU** NE'EBÉ ITA HATETE.



NOÉ FÓ-HATENE BUAT N'E'BÉ JEOVÁ HATETE
BA NINIA FEEN, NINIA OAN-MANE NA'IN-TOLU,
NO NINIA FETO-FOUN SIRA.




PRESIZA
TEMPU NARUK
ATU HARII RÓ N'E!
ITA HATENE BAINHIRA
MAK RAI-NABEEN
SEI MAI KA LAE?



LAE,
MAIBÉ JEOVÁ
SEI AJUDA ITA
ATU TAHAN.

KARIK N'E PRESIZA TINAN 40 KA 50 ATU HARII RÓ N'E!
SIRA TENKE TESI AI, FORMA AI-KABELAK, TAKA RÓ HO
ALKATRAUN, NO HALO SERBISU SELUSELUK TAN.



NOÉ MÓS HAKLAKEN KONA-BA
JEOVÁ, MAIBÉ EMA LAKOHI
RONA BA NIA.



HAU-NIA FAMÍLIA
HATETE KATAK ITA
SOE TEMPU DE'IT
HODI KO'ALIA
KONA-BA JEOVÁ
NO HARII RÓ.




ITA PRESIZA
FIAR KATAK JEOVÁ
SEI FÓ KOLEN BA
ITA-NIA SERBISU
MAKAAS.

IHA TEMPU N'E'BÉ LOOS, MAROMAK HARUKA
NOÉ NO NINIA FAMILIA ATU **TAMA BA RÔ
LARAN**. SIRA IHA LORON HITU DE'IT ATU
LORI **ANIMÁL OIOIN** HAMUTUK HO SIRA!



TUIRMAI JEOVÁ TAKA
ODAMATAN.



UDAN TUN DURANTE LORON
40. IKUSMAI BEE TAKA FOHO
AAS SIRA HOTU.




IKUSMAI, JEOVÁ HATETE BA NOÉ KATAK TEMPU TOO ONA ATU SAI. BUAT AAT HOTU NO EMA AAT SIRA LA IHA ONA!



JEOVÁ HALO ARKIRIS MOSU NU'UDAR SINÁL BA NINIA PROMESA KATAK NIA SEI NUNKA HALO TAN RAI-NABEEN ATU HALAKON BUAT MORIS HOTU IHA RAI.

NOÉ NO NINIA FAMÍLIA HETAN SALVASAUN TANBA SIRA IHA FIAR.



ITA APRENDE SAIDA HUSI ISTÓRIA NEE?

SAIDA MAK HALO **SUSAR** BA NOÉ ATU IHA FIAR?

XAVE: MATEUS 24:38, 39;
EBREU 11:7.

TANBASÁ NOÉ NO NINIA FAMÍLIA PRESIZA **PASIÊNSIA**?

XAVE: GÊNESIS (KEJADIAN) 6:14;
7:6; 8:13-16; EBREU 6:12.

TANBASÁ Ó TENKE IHA FIAR NO **PASIÊNSIA**?

XAVE: MATEUS 24:36, 37;
EBREU 10:36-39.